



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-1-1775-7-11/22 – JH/SA

Tuzla, 26.01.2023. godine

Na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14 i 59/22), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 04/16) i Preporuke Komisije za provođenje postupka ugovaranja zdravstvene zaštite broj: 03-11-1-1775-6/22, donosi se sljedeća

**O D L U K A**  
**o izboru ponuđača -**  
**LOT 11 – ugovaranje vanbolničke specijalističko konsultativne**  
**zdravstvene zaštite za 2023. godinu**  
**za područje općine Teočak**

**I**

U skladu sa Preporukom Komisije za provođenje postupka ugovaranja zdravstvene zaštite, za nabavku usluga vanbolničke specijalističko konsultativne zdravstvene zaštite za 2023. godinu, za koje je u sistemu Javnih nabavki objavljeno Obavještenje o nabavci usluge iz Aneksa II broj: 793-9-2-9-22-83/22 od 27.12.2022. godine, biraju se sljedeći ponuđači:

- JZU Dom zdravlja Teočak
- JZNU Dom zdravlja Tuzla
- JZU Univerzitetski klinički centar Tuzla

**II**

Ponuđaču JZU Dom zdravlja Teočak dodjeljuju se sredstva u iznosu od 33.290 KM, za pružanje slijedećih djelatnosti:

1. Opšta interna medicina
2. Pedijatrija
3. Medicina rada
4. Opšta hirurgija
5. Ginekologija i akušerstvo
6. Savjetovalište za bračni fertilitet

Ponuđaču JZNU Dom zdravlja Tuzla dodjeljuju se sredstva u iznosu od 23.238 KM, za pružanje slijedećih djelatnosti:

1. Bolesti usta – Oralna medicina i paradontologija
2. Bolesti zuba – Dentalna patologija i endodoncija
3. Pedodoncija
4. Ortodoncija
5. Oralna hirurgija
6. Stomatološka protetika

Ponuđaču JZU Univerzitetsko klinički centar Tuzla dodjeljuju se sredstva u iznosu od 42.078 KM, za pružanje slijedećih djelatnosti:

1. Opšta hirurgija
2. Neurologija



3. ORL
4. Oftalmologija
5. Ortopedija
6. Dermatologija

### III

Na osnovu člana 15. Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2023. godinu, broj: 02/1-33-34060/22 od 23.12.2022. godine, sredstva se dodjeljuju kako slijedi:

JZU Dom zdravlja Teočak dodjeljuju se sredstva za pružanje slijedećih djelatnosti:

1. Zdravstvena zaštita povratnika u RS .....4.990 KM
2. Naknada na ime dostupnosti zdravstvene zaštite.....30.133 KM

JZU Univerzitetsko klinički centar Tuzla dodjeljuju se sredstva za pružanje slijedećih djelatnosti:

1. Rizik upućivanja na više nivoe zdravstvene zaštite .....7.092 KM

JZNU Dom zdravlja Tuzla dodjeljuju se sredstva za pružanje slijedećih djelatnosti:

1. Savjetovalište za dječiju i adolescentnu ginekologiju .....2.011 KM

### IV

Nakon proteka Zakonom predviđenog roka, te dobijanjem Saglasnosti Ministarstva zdravstva Tuzlanskog kantona i usvajanjem Odluke Upravnog odbora ZZO TK o davanju Saglasnosti na zaključivanje ugovora o pružanju zdravstvene zaštite, Ugovorni organ će sa izabranim ponuđačima zaključiti Ugovor o pružanju usluga vanbolničke specijalističko konsultativne zdravstvene zaštite za 2023. godinu - za područje općine Teočak.

### V

Ugovorni organ će istovremeno sa slanjem Odluke o izboru, objaviti dobrovoljno *ex ante* obavještenje na Portalu javnih nabavki u skladu sa članom 36. Zakona o javnim nabavkama BiH.

### VI

U skladu sa članom 70. stav (6) Zakona o javnim nabavkama BiH, ova Odluka će biti objavljena na internet stranici Ugovornog organa istovremeno sa upućivanjem svim učesnicima u predmetnom postupku.

### VII

Ova Odluka stupa na snagu danom donošenja.

## OBRAZLOŽENJE

Na osnovu člana 8. stav (1) Zakona o javnim nabavkama ("Službeni glasnik BiH", broj: 39/14 i 59/22), Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2023. godinu broj: 02/1-33-34060/22 od 23.12.2022. godine, koju je donijela Vlada Tuzlanskog kantona, člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 04/16) i Saglasnosti Ministarstva zdravstva TK broj: 13/1-04-34225-4/22 od 26.12.2022. godine, a u vezi sa Uputstvom o uslovima i načinu objavljivanja obavještenja i dostavljanja izvještaja o postupcima javnih nabavki na Portalu javnih nabavki („Službeni glasnik BiH“, broj: 80/22), dana 27.12.2022. godine, na Portalu javnih nabavki objavljen je Javni poziv za dostavu ponuda za ugovaranje vanbolničke specijalističko konsultativne zdravstvene zaštite za 2023. godinu.

Predmet nabavke su usluge pružanja vanbolničke specijalističko konsultativne zdravstvene zaštite, u skladu sa Programom zdravstvene zaštite iz obaveznog zdravstvenog osiguranja za područje Tuzlanskog kantona.

Predmet nabavke je podijeljen na 13 LOT-ova.

Ukupna procijenjena vrijednost nabavke iznosi 8.378.337 KM, što za LOT 11 iznosi 98.606 KM.

Kriterij za dodjelu Ugovora bio je ekonomski najpovoljnija ponuda.

Krajnji rok za dostavu ponuda bio je 10.01.2023. godine, do 13:00h.

Do krajnjeg roka ponudu za LOT 11 dostavili su JZU Dom zdravlja Teočak, JZNU Dom zdravlja Tuzla i JZU Univerzitetski klinički centar Tuzla. Isto je konstatovano u Zapisniku o otvaranju ponuda. U Zapisniku o pregledu i ocjeni ponuda Komisija je konstatovala da su ponuđači dostavili prihvatljive ponude i da će se sa istima provesti Pregovori.

Obzirom da je za Javnim pozivom predviđeno provođenje Pregovora sa ponuđačima koji dostave ponude koje budu ocijenjene kao prihvatljive, dana 24.01.2023. godine i 25.01.2023. godine, izvršeni su Pregovori, povodom čega je sačinjen Izvještaj o prijedlozima i sporazumima do kojih se došlo nakon provedenih Pregovora. Na osnovu navedenog Izvještaja, sačinjen je i Zapisnik o provedenim Pregovorima.

Po okončanju Pregovora Komisija je dala Preporuku Ugovornom organu da se za LOT 11, ugovaranje vanbolničke specijalističko konsultativne zdravstvene zaštite, dodijeli kao u dispozitivu ove Odluke.

Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

U postupku je procijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima i Javnim pozivom.

Uzimajući u obzir naprijed navedeno, odlučeno je kao u tački I dispozitiva ove Odluke.

#### **POUKA O PRAVNOM LIJEKU:**

Protiv ove odluke može se izjaviti Žalba Uredu za razmatranje žalbi putem ovog Ugovornog organa najkasnije u roku od 10 dana od dana objavljivanja dobrovoljnog *ex ante* obavještenja o transparentnosti.

#### **Dostavljeno:**

1. Ponuđačima (e-mail)
2. a/a



**DIREKTOR**

**Dr.sc. Denis Husić, dipl. pravnik**